

ЛЕНИНЭНЬ КИЯВА

ФЕВРАЛЕНЬ

20 чн,

1937 №

№ 21 (695)

ЛСС: 7-40 10
ЧНЬ ОУМЪ

ВЛКСМ-нь Мокшэрзянь обкомонь ды Саранскоень ошонь комитетэнь газетаст

ГРИГОРИЙ КОНСТАНТИНОВИЧ ОРДЖОНИКИДЗЕ

ПРАВИТЕЛЬСТВЕННОЙ ЕВТАВКС

Московсо, февралень 18-це чиста, 17 чассто 30 минутсто Крем-
лясо, эсинзэ квартирасо, седеень параличтэ, апак учо кулось
стака промышленностень народной комиссарось, ВКП(б)-нь
Центральной Комитетэнь политбюронь членэсь Григорий
Константинович Орджоникидзе ялгась.

ОРДЖОНИКИДЗЕ ЯЛГАНТЬ ЛЕДСТНЕМГА

Минек партиантень теевсь покш емавкс: февралень 18-це чист-
тэнь, седеень параличтэ пек куроксто кулось Григорий Константи-
нович Орджоникидзе ялгась.

Куломась нельгизе минек ютксто пек паро руководителень,
партиант теვენзэ кис кеме бороцианть, социалистической индус-
триань боевой руководителень ды сонзэ пек вадря изнявкстнень
организаторонть, минек малавикс ды вечкевикс ялганть ды оянтъ.

Весе эсинзэ валдо эрямонзо Орджоникидзе ялгась пед-пед мак-
сызе рабочей классонь теветень, человечестванть оляс менстамонь
теветень, коммунизмань теветень. Эщо од шкасто Орджоникидзе
ялгась стясь Ленинэнь ине знамянь алов ды седе мейле весе эсь
эрямонзо прыдовомс честна ды преданнойтэ кандсь те знамянь кедь-
сэнзэ, сех икельсе позициятнесь бороцянь.

Сонзэ эрямонзо кеместэ ульнесь сюлмавозь инязоронь самодер-
жавиянтъ ды буржуазно-помещичьей гнетонть каршо рабочейтнень
ды крестьянтнень бороцямст марто, СССР-сэ пролетарской ине
революциянтъ победанзо кис бороцямонть марто, ашогвардейской
армиянтъ ды омбо-масторонь интервентнень тапамост организова-
монть марто, социализманть победоносной строительстванзо марто.
Ды эрва косо, косо мольсь сонзэ революционной лакиця деятель-
ностезэ, сон эсь мартонзо кандыль изнявкс мельга изнявкс.

Орджоникидзе ялгась ульнесь большевикень образецкс, кона
а содыль пелема эли препятствия ине цельтненень молемасонть,
конанень аравтинзэ партиясь.

Пламенной энергиянь, настойчивостесь ды прямотась, массат-
нень пек паро организациань ды ветицань таланть сонзэ эйсэ уль-
некшнесь сюлмавозь ломаньтненень отношениясонть се сердечност-
тэнь ды ялгань простотанть пек паро качестватнень марто, конат-
нень истя пек парсте содасызь весе, конат содылизь Серго ялганть
ды конатнесь отличается алкуксонь большевикесь-ленинецсь.

Меедьсе 7 иетнестэ Орджоникидзе ялгась ульнесь СССР-нь ста-
ка промышленностень прятокс. Сонзэ лемензэ марто сюлмавозь
социалистической экономиканть ине изнявкстнень. Сонзэ лездамонзо
марто партиясь решизе минек масторсонть пек виев икеле молиця
стака индустриянь строямонь пек стака задачанть, кона (стака ин-
дустриясь) перевооружил велень хозяйстванть, транспортонть ды
оборонанть. Стака индустриянтъ роботниктнень ламомиллионной ар-
миянтъ прявтсо Орджоникидзе ялгась приступсо сайниль вейке-вейке
мельга пек стака крепостнень од техникань строямонь ды кедьс-ко-
морс саемань бороцямонть фронтнэсь. Сон вечкезь кастась стака
индустриянтъ талантливой деятельень кадратнень, конат пед-пед
преданнойтэ социализмань теветень, кеместэ пурнавозь большеви-
стской партиянтъ перька.


Ды вана ней тон, вечкевикс Серго ялганок арасят ютксонь. Те
емавтовксонть стаканзо а стувтовикстэ, сонзэ кармить переживать ми-
нек масторонь весе трудиятне. Минь емавтыдизь тонь истямо шкас-
то, зардо минек масторось пачкодсь социализмань торжестванть.
Нетъ изнявкстнэсь, конатнень минь теинек ине бороцямомо, покш
доляст тонь трудиянтъ, тонь энергиянтъ, коммунизманть певтеме
тонь преданностень.

Прощай, вечкевикс оянок ды ялганок, Серго!

И. Сталин	Г. Петровский	Н. Ежов
В. Молотов	Р. Эйхе	И. Акулов
Л. Каганович	Я. Рудзутак	В. Межлаук
К. Ворошилов	М. Калинин	Н. Антипов
В. Чубарь	А. Жданов	М. Шкирятов
А. Микоян	П. Постышев	Я. Яковлев
С. Косиор	А. Андреев	

СССР-нь СОЮЗОНЬ ЦЕНТРАЛЬНОЙ ИСПОЛНИТЕЛЬНОЙ КОМИТЕТЭНТЬ ПЕЛЬДЕ

Советской Социалистической Ре-
спубликатнень Союзонь Централь-
ной Исполнительной Комитетэсь
покш ризкс марто пачти СССР-нь
рабочейтнень, колхозниктнень
ды весе трудиятнень куля пла-
менной большевикентъ, Союзонь
Социалистической хозяйствань
покш организаторонть, минек со-
циалистической промышленнос-
тень талантливой руководителень,
СССР-нь ЦИК-нь членэнь, стака
промышленностень Народной Ко-
миссаронть Григорий Константи-
нович Орджоникидзеень февра-
лень 18-це чиста куломадо.



Весесоюзной Коммунистической (большевиктнэнь) партиянь Центральной Комитетэнь пельде

ВКП(б)-нь Центральной Ко-
митетэсь седеень домка ризкс
марто пачти партиантень, ро-
бочей классонть ды ССР-нь
Союзонь весе трудиятнень
ды весемасторлангонь трудия-
тнень, што февралень 18-це
чинь чокшне 5 чассто 30 ми-
нутсто Московсо апак учо ку-
лось минек партиянь покш де-
ятелесь, пламенной бесстраш-
ной большевикесь—ленинецсь,
минек масторонь хозяйствен-
ной строительствань пек вадря
руководителесь — ВКП(б)-нь
ЦК-нь политбюронь членэсь,
СССР-нь стака промышленнос-
тень Народной Комиссарось
Григорий константинович Ор-
джоникидзе ялгась.

Орджоникидзе ялганть куло-
мадо, кона (Орджоникидзе) пек
питнев весе партиянтъ, СССР-нь
рабочей классонть, весемастор-
лангонь трудиятнень туртов,
ванькс ды кеме партияцэнь,

большевикентъ, кона эсинзэ пек
вадря, героической эрямонзо
максые рабочей классонь те-
ветень, коммунизмань теветен-
тень, весе партиянтъ ды Совет-
ской Союзонть туртов ашти
пек стака емавксос.

Орджоникидзе ялганть ша-
чозо, пролетарской революци-
янть кис сонзэ беззаветной бо-
роцямозо, минек масторсо со-
циализмань строительстванть
кис бороцямозо кепедьсынзе
весе трудиятнень, весе пар-
тияцэнтнень, хозяйственной фрон-
тонь весе роботниктнень соци-
ализмань икеле пелень изнявк-
стнэнь кис, советской промыш-
ленностень одт завоеваниятнень
кис, минек социалистической
народной весе хозяйстванть од
кепедеманзо кис бороцямомо.

Весесоюзной Коммунисти-
ческой (большевиктнэнь) пар-
тиянь Центральной Комите-
тэсь.

ГРИГОРИЙ КОНСТАНТИНОВИЧ ОРДЖОНИКИДЗЕ

СССР-нь Народной - Комиссаратнэнь Советэнь пельде


ССР-нь Союзонь Народной Комиссартнэнь Советэсь сеченэ покш сэрдыкс марто пачти куля ССР-нь Союзонь робочейтненэнь, крестьянтненэнь ды весе трудицятненэнь минек партиань ды Советской властенэ вейке сехте вадра руководителэнь, социалистической промышленностень организаторонь, коммунизмань теветнэ кис беззаветна преданной боецэнь, ВКП(б)-нь ЦК-нь политбюронь членэнь—стака промышленностень Народной Комиссаронь—

Григорий Константинович ОРДЖОНИКИДЗЕНЬ

февралень 18 чистэ куломадонзо.

Народной Комиссартнэнь Советэсь, масторонь весе трудицятнэнь марто вейсэ, пек кеме ды пламенной большевикэнь, Советской Социалистической промышленностень организаторонь Орджоникидзе ялгадонть стака емавксонть кувалт ризнэсь, евты покш кемема сененэ, што революционной боецэнь ды социализмань строителэнь пек вадра эрямозо карми улеме примерэкс минек масторонь весе трудицятненэнь ды коммунизмань кис весе бороцицятненэнь.

ССР-нь Союзонь Народной Комиссартнэнь Советэсь.



ВКП(б)-нь ЦК-нь Политбюронь членэнь, ССР-нь Союзонь ЦИК-нь членэнь, стака промышленностень Народной Комиссаронь Г. К. Орджоникидзе ялганть калмамонзо ютавтоманть коряс комиссиянь пельде

Г. К. Орджоникидзе ялганть уловонзо марто кандолазнэ февралень 19-це чистэ улить аравтозъ Союзтиэнь кудонть Колонной залонтень.

Покойной Г. К. Орджоникидзе

ялганть марто проштымонть туртов Колонной залонтень эрва кинень совамось ули панжозь февралень 19-це чистэ 12 чассто.

Кремациянь ды калмамонь шкадонть ули евтазь дополнительна.

ССР-нь Союзонь Оборонань Народной Комиссариатонть пельде

ССР-нь Союзонь Оборонань Народной Комиссариатось пек покш ризкс марто пачти куля Робочекрестьянской Якстере Армиянь якстереармеецтнэнь, командиртнэнь ды политработниктнэнь стака промышленностень Народной Комиссаронь, ВКП(б)-нь ЦК-нь политбюронь членэнь, сыре большевикэнь, гражданской войнань фронтнэсэ Якстере Армиянь изнявстиэнь активной организаторонь—ССР-нь Союзонь Революционной военной советэнь икелень членэнь, 11, 14, 16 якстере армиятнэнь Реввоенсоветнэнь ды Кавказской военной фронтонь икелень членэнь Григорий Константинович Орджоникидзе ялганть куломадонзо.

Якстере Армиясь свал карми ледстнеме Орджоникидзе ялгадонть, эсинэзэ героической боецэнь, кеме большевиктэнь-ленинецтэнь, весе минек масторсонть вечкевиктэнь. Сонзэ эрямозо, кона весе алтазель пролетарской революциянь врагтнэнь каршо, социализманть изнявксонзо кисэ борциямонть, карми свал улеме примерэкс Якстере Армиянь весе боецтнэнь туртов, советской масторонь оборонанть икеле пелевгак кемекстамонзо кисэ роботамонть сынт мелест кепедезь.

ССР-нь Союзонь Оборонань Народной Комиссариатось.

А. ХАЦКЕВИЧ

БОЕВОИ РАЗВЕДКАСО

Стака шка эрясь Советской Белоруссиясь 1919 иень кизэнь. Капшазь организовазь, лавшосто вооруженной аволь пек дисциплинированной якстереармейской частне лотасть. Белопольктнэ, конатне ульнест вадрасто вооруженойть, бойкасто занясть Белоруссиянь велетнэнь ды оштинэнь. Занизь Минскоеить, ды ютась аламошка, кода Березина леенть трокслечкезь, врагтнэ занизь Борисово ошонть.

Интервентнэнь успехест толковавсь сенсэ, што сынн получасть средстват ды вооружения буржуазной зярря правительстватнэнь пельде, конатне учость советской масторонть тапамонзо. Чи валгома ено фронтсо противникенэ эцмантень лездась се „политикаськак“, конань снартнес ютавомс Троцкий, — „а война, а мир“.

Реввоенсоветэнь военревкомтиэнь отделс ойсесть ломанть, конатне мейле теевсть ярой троцкистэкс, народонь врагкс. Секскак прифронтовой полосань ревкомтиэнь пельксэсь эзь прима энергичной мерат тылэнь кемекстамонть ды боевой фронтонь содействиянтень. Кассть дезертирствась, расхлябонностесь, ды, теньсэ дользовазь, одс красязь воен-

спецтиэ сознательностэ мольтсень лангс, штобу сатышкасто каршо апак мольт максомс противникентень цела уездт.

Но вана оштинэс ды велетнес, фабрикатнес ды заводтнэс, Якстере Армиянь частнэс пачкодсь кенярдомань куля: фронтов сась Ленинэнь ды Сталинэнь малавикс саратникэсь—Серго Орджоникидзе. Сон ульнесь аравтозъ XVI армиянь Реввоенсоветэнь членкс.

Орджоникидзе ялганть самозосексе жо тейсь лиякстома фронтонь положениентень. Серго роботась энергичностэ, самоотверженностэ ды непримиримостэ. Сон сеске жо Армиянь частнес кармась тееме большевистской порядка, невтсь ленинско-сталинской конкретной руководствань пример. Сон васень линиятнева появилсь эрва косо, оршазь якстереармейской защитной гимнастеркасо, шлемсо, прок рядовой боец. Сон ульнесь скромной ды дивавсь весень личной аволь требовательностэнь, но решениянзо сонзо ульнест кеметь. Сехте нурькине шкас, аволь ламо чинь ютазь Орджоникидзе ялгась кастызе минек частнэнь боееспособностест ды организовизе революционной комитетнэнь боевой роботаст.

Борисов ошонть занякшнызь белопольктнэ 1919 иень июль ковсто. Фронтсо положениенть весе подробностнеде 16 армиянь штабсо эзть сода, Якстере Армиянь расстроенной частнэнь разведкатне эзть максне полной картият Борисово ошонть малазо противникентень виень аравтнемадо, главноесь жо ульнест ламо кавтолдомат. Ды вана сестэ Орджоникидзе ялгась сонсь ютавтсь боевой разведка.

Веть толонь-пиземэнь пачк кемеень якстереармеецт ды борисовской уездэнь революционной комитетэнь зярря члент апак пельть мольтсэ вирень болотавиянтнэнева Борисово ошонть. Аволь покш отрядонть прывтсо, винтовка марто, мольтсэ Серго. Эрва эськелькстэ неть храбрецтнэнь мог вастомс противникентень контрразведкась, теде башка—якстереармеецтнэ могли понгомс кодамож покш частсь, ды сестэ сезевель бу весе операциясь. Пек осторожностэ мольтсэ боецтнэ Мезе илязо уле пачкодемс целентень, эцемс Борисово ошонть, кона врагтнэнь кедьсэ! Аволь ламо нурькине оймсимань теезь, якстеретнэнь разведкась кадсь удалонзо комсьте ламо километрат. Ды вана кармась неавомо Борисово ошонть чиресэ кожевной заводтнэ. Тесэ опытной подпольщикентень, кодамо ульнесь Серго, удалась сюлмавомс таркань партийной организациянь

марто. Борисовской робочейтнэнь лезксэст коряс, Орджоникидзе получасть эрявикс сведения белопольской армиянь частнэнь расположениемдо. Сыргасть мекев. Армиянь штабсо Прямыно станциясо волнения марто учость вечкевикс Сергонь. Покш жо ульнесь кенярдкось, зярдо Серго велаятсь ды макссь приказ седе курок наступлениянь теемадо. Противникэсь ульнесь тапазь ды оргодсь Березинанть тона бокав. Те разведкась ульнесь Якстере Армиянь частнэнь решительной наступлениянь ушодксокс ды кемекстызе Березина леенть кувалт аштиця позициянь.

Весть врагонтень удалась ютамс минек фронтонть пачк. Таго Серго организовазь вирев разведка ды аволь покш отряд марто каявсть белопольктнэнь лангс ды тапинзэ сынт. Сон сонсь ветясь од-Борисова ено железнодорожной сэденть саемасонть.

Эрва косо, козой появилсь Серго, лаказевель боевой роботась оборонанть виетеманзо коряс ды наступлениясь анокстамонть коряс. XVI армиясь кемекстась ды макссь условият седе курок наступлениянь туртов ды 1920 иестэ белопольктнэнь тапамонть туртов ды теньсэ самай менстизе Белоруссиянь белопольской оккупантнэнь эйстэ. Теньсэ—покш заслугазо ине Сталинэнь малавикс помощникенть ды оянт Орджоникидзе ялганть.

ГРИГОРИИ КОНСТАНТИНОВИЧ ОРДЖОНИКИДЗЕ

УЛЕМС Г. К. ОРДЖОНИКИДЗЕ ЯЛГАНТЬ КОНДЯМОКС

Орджоникидзе ялгась сти минек икелев весе эсинэ валдосонзо большевикекс-руководителекс, конань эрямозо ашти пролетариатонтень, коммунизмань идеятненень беззаветной служамокс. Ды кие минек родинань од ломаньтнесть а мери эстенэ: вана кинь кедьстэ мон карман тонавтнеме эрямо, роботамо ды бороцям, вана кие максы монень партиантень служамонь вадря образец, вана кинь кедьстэ мон карман тонавтнеме большевизмань значаить верьга кандомо.

„Сыре большевиктнень вечкить аволь секс, што сын сыреть, но секс, што сын теке марто пингезэст одт, сырекс а теевиця революционер“ (Сталин). А пужиця одкс шкань неть тешкстнэ, кода киненьгак, савить минек партиань ды советской государствань вейке сехте вадря деятелентень Орджоникидзе ялгантень.

„Минь, коммунистнэ, — башка складонь ломанть“. „Минь, — кортась Сталин ялгась, — теезятно лия материалсто“.


Серго ялганть роботамоень стилень основазо — те домка партийность, — вана васеньце, мезес Серго ялгась тонавты кадрактнень.

Ломаньтнеде, вишкинетнеде ды покштнэде, мирсэнтэ те сехте питней капиталдонть мелявтомась, парсте невти Серго ялганть весе пек покш деятельностьнэ, теи сонэ минек родинань трудитчнень сельме икеле малавиксэкс ды родноекс. Прок опытной садовник, Орджоникидзе ялгась вечкезэ ды ваистазэ кастась социалистической индустриянь кадрактнень.

Сон вечксь од ломаньтнень. Зярд раужо металлургиянь башка заводтнэ кирдсть промышленностень касоманть, Орджоникидзе ялгась аравтнесь руководящей роботас ламо од инженерт. Чиде-чис сон лездась сынект саемс кедьс-коморс руководствань сложной техниканть. Сон тетякс кастась сынект, ды ней неть кадрактне тейянь чудесат! Харьковской тракторной заводонь од инженерэсь, шей наркомонть полавтыця Брускин ялгась, заводонь директорось Бутенко ялгась, заводонь директорось Гвахария ялгась, Шейнман ды ламо лият — Орджоникидзе ялганть питомец, сон тонавтызе сынект роботамоень большевистской стилентень.

Орджоникидзе ялгась тонавть промышленностень ломаньтнень черновой роботадо а пелемантень. Од инженерэсь, — тонавть Серго ялгась, — производствань руководителекс арамонзо икеле, должен роботама станоксо, агрегатсо, сонэзэ эряви тонавтнема машинань техниканть. Зяряя неде икеле, Сергонь инициативанзо коряс, од специалистэнь покш группась, конансяк прыдызе учебной заведений, ульнесь кучозь металлургической заводтнэва горнозавод, газавицекекс роботамо. Неть инженертнэ, непосредственна цехсэ школань ютазэ, ней теветь парсте создазэ ветить руководства пек покш производственной участкнэсэ.

Орджоникидзе ялгась — теияк большевистской роботамоень сти-



Григорий Константинович ОРДЖОНИКИДЗЕ од шкасто

Снимкась теезэ фельдшерской училищасо (Тифлис) сонэзэ тонавтнемстенэзэ.

лень особенность — консерватизмань, застоень, рутинань враг.

Маштомс каподеме ды кастамо массатнень творческой инициативаст — истямо особенностезэ большевистской роботамоень стилентень. Ине Сталинэнь сехте малавикс оясь ды соратникесь, Орджоникидзе ялгась, овси ды педес-пес сазе кедьс-коморс те особенностень. Советской народос эзинэ стувто наркомонть исторической телеграманзо, конатнень сон кучинзе Ирминов ды Горькоев стахановский движениянь зорянтэ лисема шкастонь. Зяро стахановец, покш производительностень мастер, кастась минек вечкевикс Сергонок!

1934 нестэ, зярд ульнесь уральской заводтнэсэ, сон нейсь Пышменской заводсто скверик, конань теизе Клавдия Суровецкая активисткась. Орджоникидзе ялгась чаркодсь, што вишкине скверикстэнтэ может касомс покш те. Сон те инициативанть шнызе ды тердинзе промышленностень командиртнэнь нист теемс те примерэнтэ коряс. Те движениясь кармасть келейга-

домо ды теевсь массовойкс.

Комсомольской активентень эряви атак лотксе тонавтнема Орджоникидзе ялганть кедьстэ массатнень лангс нежедеме, сынект ушодовкост келейгавтомо, теезэ изнякстнень лангс зярдояк а лотксе, самокритиканть смелстэ келейгавтомо ды од изнякстнэнь молема.

Истя тонавть Орджоникидзе ялгась минек эйсэ роботамоень сталинской стилентень.

Серго ялганть стилезэ — те страстной, пек домка партийность, Ленинэнь-Сталинэнь теветь кис весе эсь прынь максоманть анок-чи.

Сергонь стилезэ — те партиань врагтнэнь, народонь врагтнэнь пектеяк пек покш ненависть.

Сергонь стилезэ — те ломаньтнень кис сталинской мелявтома.

Сонэзэ стилезэ — те русской революционной размах ды американской деловитость. Серго ялганть стилденэ можна евамс Сталин ялганть валсо: „те се живиявтыця виесь, кона сыргавты превть, шашты икелев, синтри ютазэнтэ, максы перспектива“.

КАЛМАМОНЬ КОМИСИЯДОНТЬ ЕВТАВКС

ВКП(б)-нь ЦК-нь политбюронь членэнтэ, стака промышленностень Народной Комиссаронть Г. К. Орджоникидзе ялганть калмамонзо туртов организоваз комиссия И. А.

Акуловонь (председателесь) Н. К. Антиповонь, Н. С. Хрущевонь, Н. А. Булганинэнь, А. И. Гуревичень, А. И. Стецкоен, Я. Б. Гамарникень составсо.

Сергей ИЛАТОНОВ

МАСТОРОНТЬ ГОРЯЗО

Аволь истя течи лавовсь зорясь,
Чинть стямонзо вельтизэ тусто
пельть.
Пек стака течи народонть горясь —
Лоподить пси сельведьтнеде
сельть.

Кшнисэ пингедезь келей
масторонть
Седеезэнэзэ сялговсь пшти налт.
Ниреждемань вайгельсэ монь
мором

Течи евты ниреждемань валт.

Кодашки ине народонть горясь!
Седьбиркс калмонть кельме кургос
Ваясь чинть стямозо — мазый

зорясь,
Народонть вечкимазо — Серго.

Кодамо валсо евамс ризнамонть —
Сисем лисьма прякс чудить

сельведть!
Течи большевикень ине знамянтэ
Правтызе истямо виев кедь.

Сонэзэ кедьстэ прась сон атак учо,
Атак учо кельмесь од седей!
Чополгадсь ине народонь шачось,
Народтнэ комавтызэ пряст сандейкс

Кшнисэ пингедезь масторонть
седейс

Те куломась венстась кельме кедь.
Народонть селместэ пси

сельведесь
Течи петиясь масторонть седейс.

Кадык стака. Кадык покш
ризнамось,

Масторонть седейс петиявтсь
сельведть

Сайсызэ коммунизмань ине
знамянтэ

Истя жо виевть ды кеме кедть.

— о о о —

Григорий Константинович Орджоникидзе ялганть куломадонзо врачебной заклучениясь

Орджоникидзе ялгась Сэредсь артериосклерозсо седеень мышцанть ды седеень сосудтнэнь склеротической стака лиякстоматнень марто ды истяжо вить почканть хронической колавомазо, кона 1929 нестэ туберкулезной керш почканть таргамодо мейле кадовкшность вейкинекс.

Меельсе 2 иетнень перть Орджоникидзе ялганть шкадо шкас ульнесь стенокардиянь (грудной жабань) ды седеень астмань приступ. Меельсекс истямо припадкось ульнесь 1936 иень ноябрынь васеньце чинтестэ ды молись пек стакасто.

Февраль 18-це чинь валске Орджоникидзе ялгась кодаткак пеняцямот эзь яволявти, но 17 чассто 30 минутсто, атак учо, чить оймсема шкастонзо, эсь ежонзо маризе беряньстэ ды зяро бути минутань ютазэ кулось седеень параличтэ.

СССР-нь Здравоохранениянь Народной Комиссарось

Г. Г. Каминский.
Кремлянь лечебно-санитарной управлениянь начальничес

И. Ходаровский
Кремлянь лечебно-санитарной управлениянь консультантось

медицинской наукатнень докторось Л. Левин.
Кремлянь амбулаториянь дежурной врачось С. Мед.

А. И. Егоров ялгась Каунассо

РККА-нь генеральной штабонь начальническ Советской Союзонь маршалось А. И. Егоров ялгась февралень 15-це чистэ сась Кауна-сов.

Каунасонь вакзалсонть Егоров ялганть ульнесь организоваз торжественной вастома.

Вакзалонь зданиась ульнесь на-ряжаз Литовской ды Советской государственной флагнэсэ. Пер-рононь почетной караулось Совет-ской Союзонь маршалонть Его-ров ялганть евтась поздравл.

Февралень 15 чистэ А. И. Его-ров ялгась содавтязе Литвань во-енной министрнть полковникенть Дирмантасонь. Литовской армиянь главнокомандующеенть полковни-кенть Раштикисень ды Литовской генеральной штабонь начальни-кенть армиянь полковникенть Черниусонь.

Февралень 16-це чистэ Егоров ялгась содавтязе Литовской лия мастортнень марто темень ветиця министрнть Лозирайтисень.

Литовской газетатне макстыть подробной информация Егоров ял-ганть Каунасов самонзо коряс, и-стя жо печатить фотоснимканзо ды нирькинетэ биографиянзо.

Газетатне тешкстыть, што Со-ветской Союзонь маршалонть Кау-насов самозо тейсь покш интерес.

(ТАСС)

Лездамс

вожатойтненень

Беляйкина Зоя ды Яшкина Клавдия роботыть пионервожато-екс. Эряви тештамс, што отряднэ-сэ роботась моли лавшосто, пио-нертнэнь вешмаст а топавтневить. Сбортнэ зрить пек чуросто, бути жо мельс лездез пурнытькак сбор, то сон скушна, аволь весела. Ма-лав весе пионертнэнь арасть гал-стукост, конатнень жо улитыкак, сынть галстуктнэнь кантлить зеп-саст.

Кенде веле, Дубенкань район.

СССР-нь Совнаркомсо ды ВКП(б) нь ЦК-со Свердловской, Ярославской, Ивановской, Куйбышевской ды Челябинской областнэсэ, Красноярской крайсэ, Мокшэрзянь ды Карельской АССР-тнэсэ сюросо торговамо

Сень кувалт, што Свердлов-ской, Ярославской, Иванов-ской, Куйбышевской, Челяби-нской областнэ, Красноярской краесэ ды Мокшэрзянь ды Карельской АССР-тнэ топа-втыз СССР-нь Совнаркомонть ды ВКП(б)-нь ЦК-нть эндо-сынст туртов аравтозъ сюронь максомань коряс иень планонть ды анокстасть эстет яровоень видема видьмекст—ССР-нь Со-юзонь Народной Комиссартнэнь

Советась ды ВКП(б) нь Цент-ральной Комитетась путеть ме-ремс вере невтез областнэнь, краень ды республикатнэнь кол-хозтнэнь, колхозниктнэнь ды трудия единоличниктнэ-нень ютавтомс эсист сюрост олясо микшнэма (почтсо, зерна-со ды кшисэ) кооперативной организациятненень, истя жо ошонь ды велень базартнэсэ ды чугункань кинь станциява.

Н. А. Островский писателенть паметензэ увековечениядонть

Сень кись, штобу увековечить кулозь писателенть - орденоносе-цэнтъ Николай Алексеевич О-стровскоень паметензэ, ССР нь Сою-зонь Совнаркомось тейсь путовкс организовамс Н. А. Островскоень Сочисэ кудосонзо (писателенть эсинзэ комнататнэсэ) сонзэ лемсэ музей, прок государственной ли-тературной музеенть филиал, те кудонть кемекстамс писателенть аванстэнь ды сазоронстэнь.

Московской советэнтень мерезь Москов ошсо мертвый переудо-контъ, косо писателесь эрясь зя-

рыя иеть, лемдямс Н. А. Остров-скоень переулкакс, Сочи ошонь советэнтень мерезь лемдямс Сочи ошсо Ореховой ульцянть Н. А. О-стровскоень ульцаякс.

Бубнов лемсэ Московской педа-гогической институтонть литера-турной факультетсэнтъ кармить улема Н. А. Островский лемсэ кав-то стипендият. Н. А. Островскоень литературной архивезь, книганзо ды рукописензэ улитъ максозь го-сударственной литературной му-зеентень.

Анокстыть олимпиадантень

Дубенкань район. Кенде велень од ломаньтнень ютксо февралень 11-це чистэ комсомольской орга-низациясь ютавтсь промкс, косо толковизь районной колхозной ху-дожественной олимпиадантень анокстамонть. Олимпиадась карми

улема Дубенкасо февралень 28-це чистэ.

Од ломаньтне паро мельсэ при-мизь те яволятоманть ды ВЛКСМ-нь организациянь руко-водстванзо коряс организоваз хоркружок, струнной оркестра.Ц.

Пушкинской чокшнэсь минек школасо

Саранскоень 31 № железнодо-рожной школань тонавтницятне, пионертнэ, комсомолетнэ рузонь ине поэтанть А. С. Пушкинэнь ку-ломадо мейле 100 иень юбилее-нень анокстасть кувать. Анокстасть костюмт, башка произведенийт, стихотвореният, операсто савекст.

Ды вана кода весемесь ульнесь анок панжовсь общешкольной чок-шнэ. Пурнавсть малав 400 тонав-тницят, инжетъ ды тонавтницят-нень тетяст-аваст.

Тонавтницятне евтнесь стихт, морасть морот ды наиксесть опе-расто савекст. Весемень мельс сехте пек тусь „Борис Годунов“ операстонть „в корчме“ савексэсь.

Сонзэ налкисизь 9 кл ссонь тонав-тницятне Гринин Вася, Фролов Женья, Дилектова Рита, Грачов Ваян ды Колчин Ваян. Зяряя мо-рот морась минек а умок органи-зоваз хорось оркестрась морась „Борис Годунов“ операстонть савекс.

Тедэ башка февралень 13-це чистэ тонавтницятне ютавтсь пушкинской чокшнэ Саранскоень станциясо рабочейтнэнь ютксо.

Тов ульнесь кучозь сех вадрасто налкисятне, тонавтнемасо отлич-никтнэ.

А. Дмитриев.

„Кастасынь эйкакшон танкистэкс, пулеметчикекс ды летчикекс“

Дубенкань район. Кенде велень Литвинов лемсэ колхозонь колхоз-ницась Забелина три-касты ламо эйкакшт. Тень кисэ сон получаь государстванть пельде пособия кавто тышат целковойть.

— Мон, — яволявтсь Забелина ялгась,—кастасынь эйкакшон тан-кистэкс, пулеметчикекс ды летчи-кекс, штобу эрьвась сынст эйстэ кандоволь лезэ минек родинантень.

Русскин.

Тунда видемась ды комсомолонть задачанзо

Минек Мокшэрзянь республи-кась, истя жо, кода весе минек масторось, пек бойкасто касы ды вадрылавть трудиятнэнь эрямост. Весе народтнэнь вечкевикс те-тянтъ—ине Сталинэнь велямонзо коряс, минек республикась допрок лиякстомсь. Полавтовсть минек оштинэ ды велетне. Мирсэнт сех-те крупна предприятисо, велень сехте крупна коллективной хозяй-ствасо вельявтсь минек оштинэ ды велетне. Весе колхозтнэ те-евсть механизированной покш хо-зяйствакс, косо тевс ютавтовить минеральной ламо удобрения, агро-техникась ды лият. Но минь эшо эзник тее сень, мезе эряви сень кис, штобу допрок изнямс суховеенть ды сюронь беряньстэ шачоманть—недородонтъ.

Югась 1936 цесь метеорологиче-ской условиятнэнь коряс ульнесь стака иекс. Куйбышевской краесэ ды Мордовиясь эсть сода эшо сюронь а шачомань истямо ие, но тень лангс атак вант колхозниктнэ зрить ков седе вадрасто сень коряс, кода эрильть седикеле сюронь а шачомань иетнестэ. Теке марто вейсэ эряви меремс сень-гак, што колхозниктнэ эшо седе-як парсте эрявольть, бути партий-но-комсомольской организациятне, советнэнь ды колхозтнэнь прывтнэ

седе вадрасто роботавольть ды кода эряви топавтовольть Сталин ялганть указанианзо сюронь 7—8 миллиардт пондтнэнь кис боро-цямонть. Эряви видьстэ евтас, што весе стакатнень лангс атак вант икеле молиця минек ломант-не-стахановецтнэ сайсть покш уро-жай, тейть рекордной выработ-кат машинатнэсэ. Ичалкань МТС-нь трактористкась-комсомолкась Ла-зарева тейтерь авань эсь бригадан-зо марто сайсь республикасонть васень тарка ды тень кис кучозь трактористкатнэнь весесоюзной со-вещаниясь.

Партиясь ды правительствась макстыть минек пек покш лезкс. Минек республикась те иетэнтъ получи ламо видьметь, машинат, кредитт ды лия лезкст. Весе те минек эйсэ кармавты ламоксть се-де парсте роботамо, истя, кода роботасть икеле молиця ломантне-стахановецтнэ, конат суховеенть лангс атак вант сайть покш уро-жай. Эряви весемениень тонавтнемс стахановецтнэнь опытэст, ютав-томс сонзэ тевс ды келейгавтомс сонзэ весе колхозтнэва ды совхоз-тнэва.

Вадра урожаянь кис бороцямось пек покш тев. Но тень стувтыз ВЛКСМ-нь ламо организацият ды васняк сонсь ВЛКСМ нь обкомось

ды райкомтнэ. ВЛКСМ-нь обкомось райкомтнэ ды первичной организа-циятне стувтыз, што „ВКП(б)-нь ЦК-нть указаниатнэнь коряс теез, што од ломаньтнэнь коммунисти-ческой воспитаниясь должен ютав-тневемс истя, штобу сонзэ тонав-немань ды образованиянь эрьва эськельксэсь улелель сюлмавозь коммунистической обществань те-еманть кис бороцямонть марто, ВЛКСМ-сь тарги весе трудия од ломаньтнэнь социалистической стро-ительствасонть участиантень“... (Комсомолонь программасонть, кона кемекстэз Х-це с'ездсэнтъ). Тень стувтнемс а кода. Минек пельде ЦК-сь ды крайкомось ве-шигъ, штобу од ломаньтнэнь ком-мунистической воспитаниянь ко-ряс минь весе роботанок аравтов-линек истя, штобу сон улелель вадрасто сюлмавозь покш урожа-ень кис бороцямонть марто, пром-финпланонть топавтоманзо кис бороцямонть марто. Коммунисти-ческой воспитаниясь, кона сезезь социализманть кис бороцямостонть аноксты коське начетчикт ды ци-тагникт, но аволь кеме политиче-ской од боецт, конань уцяскас прась прядомс Ленинэнь ды Ста-линэнь ине теветъ, лиякс меремс строямс коммунистической общес-тванть. Минек а эряви стувтнемс сень, што икеле пелев молема-сонть эшо ламо улитъ стака тар-кат, што эшо допрок атак тапа врагонть пулопелькстнэ—троцкист-

ско-зиновьевской сволочесь ды лият эрьва кодат врагтнэ—поптнэ ды кулакнэ, сын эрьва кода снартнить, минек стакатнэнь тевс нолдаз, сеземс социалистической строительстванть. Секс комсомоль-ской организациятненень зярдояк а эряви стувтнемс, што „...револю-ционной бдительностесь ашти са-май истямо качествакс, кона сех-те пек ней эряви большевиктнэ-нень“ (Сталин).

Тунда видеманть самс шкась ка-довсь аламо. Тунда видеманть вадрасто ютавтоманзо кис минек ули весе, мезе эряви. Эряви ансяк суховеенть дополнительной ста-катнэнь изнямост кис мобилизо-вамс дополнительной вийть сенень штобу 1937 иестэ седе кеместэ анокстамс весе, мезэ эряви тунда видемантень.

Комсомольской весе организа-циятненень ды весе од ломаньтне-нень эряви нейке жо вейкеяк ми-нутань атак ютавтне кундамс го-сударственной важностень те пек покш теветнэнь ды истя ладямс воспитательной весе роботанть, штобу сон эсинзэ эрьва эськельк-сэнзэ сюлмавлize паро урожаянь кис бороцямонть марто, классово-враждебной вийтнэнь каршо боро-цямонть марто.

М.

Ответ. редакторось М. ЛЮПАЕВ.